

21 CANTANTE Y 11 BANDA PA CALYPSO CONTEST

ORANJESTAD(AAN):Un total di 11 banda cu 21 cantante a inscribi pa e concurso di calypso y roadmarch di e aña aki.

Den reunion general teni ayera anochi na oficina di SAC, ASOMA y SAC a duna informacion encunto e concurso di e aña aki.

E bandanan cu a inscribi ta Grasshoppers cu 1 cantante i calypso y 1 cantante di Roadmarch, Miller band cu 1 cantante di roadmarch, La Nueva Fuerza cu un cantante di roadmarch, Pride cu un cantante di calypso y 2 di roadmarch, Boysie Croes cu 1 cantante di calypso, The Aruban Band cu 2 cantante di calypso y 5 di roadmarch, Musical Force cu 1 cantante di calypso y un di roadmarch, Sunny Isle cu 1 cantante di Roadmarch, Heat cu 2 cantante di roadmarch, Les Carcons Voicins (Boys Next Door) cu 3 calypso y 3 roadmarch, y Time

cu 3 calypso y 3 roadmarch.

Diamars anochi lo actua Boys Next Door, Miller Band, Grasshoppers, Time, y La Nueva Fuerza.

E otro bandanan lo actua Diarazon anochi. Finalistanan di e dos anochinan lo presenta Diabierna otro siman den e anochi final.

E anochinan di pre-seleccion ta den Bonaire Club y e final lo ta den Lago Sport Park, y entrada a wordo fija na 10 florin pa anochinan di pre-seleccion y 15 florin pa anochi final.

Un di e puntonan di discusion tabata encunto participacion di Mighty Talent, Claudius Philips, kende manera ta tradicion lo actua ultimo. Den votacion cu a termina 6-5, a keda dicidi cu e banda cu ta acompaña Mighty Talent ta actua ultimo e anochi final hunto cu eventual finalistanan di e banda aki.

E cantantenan ta haya 8 minuut

pa presenta nan show y nan cancion hunto y tambe a ser pidi na emisoranan pa si ta posibel nan toca e cancionnan na mas o menos e mes ora despues di e pre-seleccionnan y no favorece ningun di nan, pa asina e anochi final por bay mas fair posibel.

Cada anochi lo tin 6 jurado pa e pre-seleccion y riba e anochi final tur 12 ta bini hunto, pero 6 so lo ser escogi pa actua como jurado e anochi ey.

Pa e anochi final a ser pidi na esnan cu tin equipo di sonido pa huur, pa nan haci nan oferta mas lihe posibel na SAC y ASOMA

pa e anochi final.

Den seccion di POPO di mañan.

lo bini cu mas encunto e anochi nan aki.